


僧伽羅刹所集佛行經

卷二

四百廿九  
樓十

5099c



元祿九年丙子二月日重脩

皇圖聖圖 帝階綴昌

佛日增輝 懋輪常轉

山城州天安寺法金剛院置

法金剛院

僧伽羅刹所集佛行經卷第二

樓

符秦世沙門僧伽跋澄 譯

爾時世尊云何分別生城所謂盡生無生斷  
漸度五岸及諸木柵愛欲所由牢固染著愚  
癡愚癡為城無慙無愧圍遶迹無缺漏五蓋  
為門覆蔽衆生種種愛欲充滿瞋恚車無數  
種種衆圍遶豎憍慢幢吹閻冥螺遊行東西  
種種邪見纏絡其身自受持相作如是諦思  
惟衆生種種圍觀極微妙心娛樂其中樂到  
彼處或到飢饉處是所求樂商人所行已度  
境界行到彼處利養解脫後世有果盛熱寒  
暑風雨遭此苦厄生老病死有是苦惱當屬

死生向一切趣猶如彼船隨水東西於彼中  
而作是意狐疑難可入不與共合亦不可與鬪  
爾時世尊以三昧觀如是力難可沮壞到彼  
境界彼死處悉滅盡一切吉利無有爲行於  
是便說此偈

生國有衆想

已度拔濟難

彼壑五滿中

猶海深無底

三世間聲響

愚城所圍遶

世尊觀彼時

以權智往壞

爾時世尊云何降伏魔衆所謂於八解浴池  
洗善行無染著漸至解脫門善無上言教等  
與住止宿名稱遠聞著慙愧衣空無願無相  
以爲寶冠忍力具足顏常和悅面滿充盈布

現賢聖八道種種香熏著若干種衣本已覺  
結使爲穢乘戒車等見導引前功德圍遶  
以智慧力御彼車專念不移以善覺悟彼衆  
生三界聞其教皆本行所追逐以意止爲鎧  
手執法幢揮智慧刀以善想爲拂以十力無  
畏吹彼法螺以神足之力於三千世而得自  
在善分別七財四辯才不可窮盡若結使起  
即能使滅惠施財業百千萬倍不可稱計猶  
如大象莊嚴其身攝取衆生安處善業師子  
奮迅意無怯弱而開法門或現驚怖或現剛  
強內無瞋恚獲大財寶猶羅刹鬼露現牙爪  
有如是形狀不別眷屬或現狸狐或現魔衆

或師子頭虎身或七步蛇或跣立欲相傷害  
瞋火熾然或擔山吐火若干種變其中或有  
狗犬者懷憍慢或一身兩頭或弄舌張目或  
身長項短或金翅鳥形手執刀杖或執輪杵  
或師子吼欲傷害人作如是變恠或猫牛形  
狀者鳩槃荼形手執大火燄皆著鎧眼赤光  
出擎大火炎求其方便欲相傷害彼羅刹者  
皆有兩翅種種鳴鼓聲若干種滿虛空中有  
如以鈴纓項猶如厭鬼或童子形手執鐵輪種  
種惡行若干種狀猶如海神手執日月以智  
慧力降伏彼怨於是便說此偈  
結盡無恐懼  
長夜樂其中  
種種色形變

種種色無窮

起如是之變

亦本所造業

手執智慧刀

即能降伏之

是時世尊云何度灰河所謂度灰河時除去  
希望及瞋恚思惟彼灰河皆悉不淨種種之  
想皆悉除捨緣彼若干種永盡無餘所觀察  
微妙時不可過度生死海合會難度皆是古  
昔所造行意所愛樂伽捨救捨二種順水而  
流斷其希望除去愁樹岸邊饒草如是身所  
造行樹木茂盛種種啼哭百千種不善行所  
造手執石亦是不善行所為猶彼海中有蟲  
復往求樂處為欲所迴轉傷害境界瞋恚熾  
盛眼如赤銅心修清淨欲想盈滿而成灰河

及諸坑渠峻難色聲香味細滑皆是有漏劔  
戟悉布彼地有大幽冥亦無光澤依彼隨流  
上下如是之河

爾時世尊菩薩無量生死中皆欲遠離便起  
是心此次河甚爲險難刺布其地極幽冥無  
有光明如此人衆順流於彼我今當斷其流  
作如是誓願已而求方便以法忍爲世作軌  
倍復作方便等度禁戒地以此安處以四賢  
聖諦觀察四方分別決了以無漏等見山踞  
生死岸已踞彼生死岸至善業等業等方便  
娛樂三昧八賢聖道皆悉分別已欲至彼岸  
以神足力五根亦無所畏以涅槃之處於彼



止住解脫禪三昧衆華茂盛不出無爲者覺  
知分別

是時世尊爲契經者錠光佛之印一切華無

上佛名毗婆施佛隨葉生彼種姓家堪任說法於

是便說此偈

有力無有限

當壞恐懼心

灰河深無底

愚者樂遊彼

爾時世尊力

度彼沒溺者

已到安隱處

爲人說其要

大賈人本誓願成就志性柔和依種種功德

而自嚴身隨時適化爲衆生類觀結使根本

獲智慧降伏彼惡使就善隨時智成就善觀

諸根法常微妙善依彼智善問智成就恭敬

忍善說第一法彼義說法義辯善成就賢聖  
究竟智成就法辯成就所謂義辯者名身句  
身味身皆悉分別若干種聲彼辯才義善猶  
如此名身句身味身皆使趣善音響辯才善  
於此三辯才與共相應解脫三昧於道迴轉  
善知他心智成就彼有所授決亦不移動先  
問其義說無礙法使趣一智慧道彼皆成就授  
決成就無處智成就善起一切諸法於是便  
說此偈

有現智慧寶

亦說諸義辯

淡泊無佛等

功德亦無雙

本去心無來

安使作淨慧

以救世俗業

為世間甘露

爾時世尊云何說法所謂隨前所求皆悉充足為說解脫德義如實不虛味盡具足隨其時節漸漸與相應義中間皆悉分別前後與共相應種種若干界隨如意說應前人器諸法義有勇猛意有諸智變化有果實分別法界無有限量一切智所為起如是法亦無所倚除去希望覺法行業亦不自稱譽與衆生說法解諸病本末三意止成就不懷希望攝取彼衆歎未曾有天人所供恭敬善住彼處於是便說此偈

如彼永滅法 最勝口所宣 善說牢固行  
智慧等無量 彼是甘露味 外不受塵垢

已鍊諸瑕穢

亦無雜惡患

彼無有穢惡除去愚癡意性清淨以捨外事  
當成佛眼意無所著亦無瘡痍以過心意不  
造過去彼以休息皆悉平正心不移動得第  
一義一身苦行彼彼若干身亦無衆想於  
聲聞中或以天耳聞聲彼無所持於世俗中  
起知他人心智種種有爲行不以爲勞以衆  
生故自識無數宿命之事如今娛樂一切色  
行或以天眼觀色衆想亦不移動諸結已滅  
已現非義以苦誓願故亦不造希望休息清  
淨彼智不堅住識處欲已盡彼已般涅槃義  
流布世間內自依倚於是便說此偈

意無有愚癡

寂然無衆行

佛所覺意業

是故我歸命

爲彼人說法

清淨無瑕穢

遊彼園觀間

及諸隱學處

爾時世尊謂是福田依彼福田有所希望猶  
如依麥謂麥田稻田彼佛世尊亦復如是依  
福田故故曰福田以是故号曰福田若干百  
千行成就此福田智慧根所生思惟等業已  
度到彼岸依彼而說法無起滅之想亦無彼  
此心除去斷滅等見等志無彼等見想等志  
吐妙言身等善無惡響亦無有染汚等成就  
身亦無疾患等見生等語成就命成就以歡  
喜果故彼一切時盡微妙無有上於衆會上

最爲第一於是便說此偈

福爲第一田

無數劫清淨

愚者不觀察

彼則墮盲冥

諸有好信者

受施能消滅

今以安處住

必逮安隱處

說世最希有出現猶如優曇鉢甚奇甚特荷  
負衆勞歎未曾有出現於世中間有如此勤  
勞有此未曾有出現於世甚奇無與等有  
道生亦不依辟支佛等不等處有如是生猶  
如日出不擇坑渠悉照有如是大智慧而照  
極淨福田生如是增益天衆善行所致如是  
出世益衆生類布現教誡無明闇蔽永盡無  
餘欲布現道解脫生死各各相依倚猶彼衆

生有形之類皆悉莊嚴是時衆生極被潤澤  
第一衆得成與解脫相應因道迹諸惡已息  
思衆生類與說法味作諸橋梁度彼人民於  
是便說此偈

其有衆生類

觀察如來者

皆發歡喜心

即得離世患

第一微妙福

娛樂親屬衆

發趣涅槃道

寂然得解脫

爾時世尊有此解脫於彼愛欲諸蓋心不與  
相應故曰解脫也彼精進亦不懈怠所生根  
本數數修習清淨無瑕功德不可限量不斷  
解脫境分別因緣亦不起法想所願充滿亦  
無有嫉妬心諸垢永盡度諸塵結以智不處

生死亦不捨之智慧解脫分別猶秋月明照  
幽冥處皆使有光猶如流水樹木皆悉潤澤  
隨時敷華猶彼水駛流沫隨水迴轉所生至  
到處皆悉充滿世尊亦復如是無餘涅槃解  
脫駛流於是便說此偈  
佛能滅衆惡  
解脫最爲妙  
除闇現照曜

如月星中明  
既得解脫法

晝與夜無異  
智慧照現彼

常住不移動

爾時世尊有是盡智分別盡智我已知苦習  
已除已盡爲證而修行道作如歎說本所造  
行療治彼疾姪怒憍慢究盡其源以等智滅  
姪欲此是涅槃之智如實不虛譬如有人受



衆苦惱無能度彼人亦不可療治現病元本  
便作是念境界微妙如是所生皆悉修行除  
去陰蓋斷諸結使譬如有力之士種諸病根  
無能當者未起方便意彼亦不可療治有如  
是患姓怒癡以盡智使得歡喜猶如有人常  
畏險難之處彼有種種苦惱疥疾彼若見一  
浴池清淨無有塵垢夾池兩邊有清涼風起  
魚龍遊戲視水見底虛空清淨亦無雲曠優  
鉢拘文陀華悉滿其中枝葉華實皆悉在水  
中生有是種種微妙樹生其中若有見者皆  
懷歡喜心然此人於彼浴池除去苦惱亦無  
飢渴得是歡樂所爲已辦於彼浴池底有微

風起觀察是時若於彼若坐若卧彼世尊亦  
復如是本所造婬怒癡皆悉除盡於生死源  
現如是浴池何者於三界所生衆生拔濟苦  
惱皆悉成就以爲橋梁復以等見猶彼清涼  
浴池等三昧清淨未曾有移動等志猶彼魚  
龍等解脫顏色無比等方便猶彼優鉢拘文  
陁華觀無有馱等念智慧猶彼重雲世俗三  
昧不以經心大衆圍遶若得彼浴池甚愛歡  
喜彼於法浴池中洗浴若飲所有婬怒癡永  
無有餘亦無衆患亦無飢渴成就如此法復  
以斯法惠施衆生至涅槃所所作已辦亦無  
恐畏到安隱解脫處念樂至無餘涅槃界復

以善法使衆生共是時佛卍尊坐不移動於  
是便說此偈

日夜所造行

欲使衆生安

究竟懷歡喜

無有若干苦

況當長在世

衆患常逼已

不以苦盡智

離俗至彼道

爾時卍尊有無生智所謂彼無生智者我已

知苦更不復盡苦已盡習更不復除習已盡

爲證更不復作證已修行道更不復修行道以

是之故名曰無生智也是故無生智彼智大

功德大事興以滅本末猶如種穀子隨時澆

灌與共相應稍稍長大隨時茂盛或時不生

卍尊亦復如是識子爲智火所燒各各與相

應除生死源識處無欲亦不常住諸行已盡  
於其中間所起心垢不可思議心所造更亦  
不造於是便說此偈

諸起無生智

諸佛所擁護

覺知苦源本

超諸苦惱患

彼智無怯弱

清淨而無瑕

於彼坐道場

無起無滅意

爾時世尊布現於戒起諸村落城郭人民皆  
使奉持禁戒具足其有犯者不與彼相應消  
滅惡心與彼相應與十善行相應使淨衆生  
盡同功德如是衆德成就在衆有是功德無  
衆亂想於中力勤行前所誓願皆使獲果不  
歡喜者皆使歡喜前於諸佛所造功德得歡

喜者重令修行未曾有出世降伏外道解脫  
功德為慙愧者皆安隱之以威儀禮節故於  
現法中而盡有漏斷其根本更盡餘漏而不  
復生與道相應作如是說使梵行久任天人  
得安隱彼教誡語皆悉受誦諸比丘隨其所  
犯皆悉避之作如是語已盡擁護猶如孔雀  
護毛犛牛護尾於是便說此偈

如來結禁戒 為法而布現 第一樂奉行

猶如戴天冠 設有任彼者 得此三昧意

無有犯此者 如海不過際

是時世尊有如是微妙之首牢堅無缺漏視  
之無狀不可沮壞猶如團蓋觀肉髻相無比

無有能見其頂者無有能攝其相彼有微妙  
眉髮善生善分別者髮細青色極微妙於是  
便說此偈

釋梵及世人

盡集觀生時

皆悉在其上

無能見其頂

本不起輕慢

得為釋師子

由此行報故

得是頂上相

尔時世尊有是微妙之髮善生在頂上各各  
軟細而生無有參差亦不亂錯各各齊等螺  
文右旋諸相具足善住如是色相極軟細擘  
擘光生其光徹照無與彼等者猶如藕莖絲  
極軟細無能度其上者亦不可沮壞其有眼  
見者皆獲安隱福最為第一善香種種勳皆

是衆行具足有如是相滿行所行成無上等  
正覺於是便說此偈

軟細無長短

髮如紺青色

如來顏清淨

如夜清月現

種種香遠布

聞香悉分別

細軟風吹香

猶摩羅栴檀

尔時世尊有如是額牢固如金剛極平正亦

無有皺方正其有觀者皆懷歡喜而無厭足

亦不點污亦無白黑處所充滿所行業不缺

漏見者歡喜無害意眼淨無瑕衆人見者一

切吉祥無數百千行所成辦然後得如來額

尔時即說此偈

微妙極清淨

盡脫諸惡行

佛額不思議

如象牙在水 彼所說言教 如來額無比  
如虛空清淨 人見皆歡喜

是時如來有眉間相最明曜處面門中猶牛  
乳色極軟細猶如白縞練白雪色如日初出  
如拘文陁華色極白無比如秋時月極清明  
淨右旋亦不太高亦不太下一切無罣礙其  
有靚相無有衆病長與肘等極微妙色不可  
思議放光已還復其處皆是本行所造猶如  
此面微妙於大衆中而說法教於是便說此偈  
種種百行造 如來眉間相 此是福良田  
亦是本行報 不麤亦不細 右旋色微妙  
出相與肘等 三出無不見 如來眉間相



清淨無衆瑕

猶如安明山

於衆山第一

於諸法自在

能淨衆生類

如是面滿相

無過眉間相

彼色行所造

解脫無有比

已滅意垢火

衆生同其淨

尔時世尊有如是微妙清淨之眼猶如彼百

葉華色葉華谷離無幽不照猶如虛空優鉢

青文陀羅華色眼睫極白猶如鴈王而無有

異極白無比最爲第一觀四方刹皆悉見之

於其中間皆悉見彼刹有形之類皆悉分別

彼無有欲亦不卒暴無有瞋恚亦不與瞋恚

相應觀彼刹土善惡之行所有微妙之事亦

能觀察亦無恐懼驚怖之心修行慈悲得不

邪視於一切衆生亦修喜無有厭足以守護  
諸善法一一分別徧滿一切刹彼作如是知  
觀無有惡無懈怠於是便說其偈

眼淨極微妙

一切不可沮

百福之所造

然後成如來

善法極清淨

亦無有衆惱

面色如天王

是甘露出現

法相亦具足

亦無衆惱患

亦如彼明鏡

面像於中現

觀彼衆生處

視之無厭足

然後成正覺

演說甘露法

是時世尊有如是微妙鼻本無數百千劫生  
中起是種種智慧皆悉分別於生死處拔情  
愛刺欲度到彼岸欲拔一切愛刺爲世人民

勤行如是苦行以惠施人或以戒而度脫人  
皆是本所造一切義具足無雜穢療治瘡瘍  
猶如金聚色最第一明欲得到彼處者心所  
愛樂亦無欺詐於彼布現一切取要行所造  
於是便說此偈

微妙無雜穢

如來鼻第一

猶如鸚鵡背

是故歸命之

當在面門中

衆生所宗仰

彼鼻如是妙

如賴頻陀華

似鸚鵡

是時世尊有如是齒無缺漏平正無高下猶

如白雪螺色亦如彼拘文陀羅華色有此微

妙色極清淨行具足有光明悉脫諸惡行猶

如金剛不可沮壞牢固如來齒四十上下各

四牙齒上有千輻輪相於是便說此偈

如來齒平正

說法極微妙

無缺無墮落

猶彼提勒華

眼淨極微妙

善色無變易

釋種種此德

方齒四十具

是時世尊有如是廣長舌未曾有虛善色不

可壞如阿舒伽樹華

憂無

猶蓮華葉極軟細滑

亦無麁言獷語除去姪怒癡患生安詳處歡

喜受樂禁戒成就有所宣說無不得度者以

法智濟拔貧窮於想味姪怒癡得解脫皆是

本行所造如來舌相皆悉覆面甚奇其特於

是便說此偈

百福所造行

如來舌第一

齒脣悉平正

常吐甘露法

若得若干味

好色及不好

悉能分別味

次第不失序

如來是時有如是言教說有漏行善音響無  
麤獷言辭功德等具足功德無量有常無常  
行志性無怯弱甚深無底色最第一所說言  
教終無有煩義義相應現本緣起善分別法  
方便隨時教化衆生無有瞋恚自莊嚴身息  
意爲樂供養智者歎譽名稱各與相類猶如  
鴻鳥樂彼淵池諸有遭百千苦惱者皆救濟  
之使衆生類悉得歡喜於生老病死度到彼  
岸無希望想得最勝行心無衆結現諸善行  
得未曾有行以船渡水無有恐怖度一切生

死歎譽禪德功德微妙壽命滅心意至涅槃  
界得甘露法滅一切生死元指授善惡聞者  
不懷怖如光不可蔽於是便說此偈

以法禦示現

供養佛所行

以忍之力勢

如彼華開敷

飽食甘露味

盲冥不度彼

能食此甘露

得度生死地

今時世尊有如是響所說功德亦無鹿獐猶  
羯鞞鳥音極微妙聲徹四方展轉聞教於衆  
生類有是力勢亦不出衆外皆悉聞淨聲悉  
是本行所作如梵音如哀鸞今時聞有五種  
聲甚深無底所有言教降伏外衆猶如彼龍  
改本所習往古有如是色極妙無怯弱若以

眼觀察而知之無所染著息心與味相應此  
數息心無厭足亦不相違不與瞋恚相應此  
皆行報功德所致故曰樂沙門有如是心依  
彼心有如是五種曾聞水流聲聞已歡喜況  
當今聞如來言教長益善根聞音響歡喜長  
益解脫於是便說此偈

聲響柔和好

佛意息心樂

善勝來聽教

功德無有量

諸有聞音響

本行之所生

已能覺知彼

降五百孔雀

今時世尊有如是面甚清淨無瑕穢極端正  
無比善眼觀無厭耳垂睡脣如朱火色如天  
真金齒極白微妙無極平滿無點污亦無瘡

藥亦無愁憂無有衆惱觀者皆歡喜其功德  
不可稱量有第一香本所造行猶如月滿極  
淨無瑕穢最尊第一若結加趺坐與大衆說  
法前後坐者皆見其面若從禪起先與衆說  
法於是便說此偈

一切歡喜樂

欲觀如來色

以得見如來

猶彼月盛滿

得利第一樂

無過如來衆

三五月盛滿

等說如來樂

是時世尊有如是項善生牢固極端正無比  
無有高下與自身相相稱色最第一猶彼那  
羅延天八臂力不可盡滅彼處所與金色相  
類彼相最微妙善色極妙一切無罣礙於是



便說此偈

滿足最微妙

漸漸緣彼行

如來有此頭

釋種幢無比

一切無能害

發意於如來

三界衆生類

歎彼如來德

尔時世尊有如是臂善生無比如彼須彌山  
肩亦微妙無與等者無高無下極軟細猶彼  
娑盧樹王軟細不可害如瞻蔔華軟細不麤  
所生軟毛色極青各各右旋極軟細一切觀  
者皆獲歡喜極微妙伸手降伏魔地證知我  
於是便說此偈

猶世伽鳩樹

降伏諸魔衆

譬如金剛杵

是故歸命佛

爲三界唱導

爲法所光照

彼意無有量 歸命最勝前

是時世尊有如是手極自柔軟善生無比亦  
不壞敗無缺漏舌具足滿猶高山峻手有千  
輪相指間連映爪極白淨如日放光如優鉢  
華皆悉敷華葉軟細若說法時衆生聞者無  
不得度言常隨時於本所造生處光明徹照  
手掌解脫若得慈悲尋光明來皆悉得度善  
分別衆生遠惡就善與衆生說法於本生處  
得慈悲喜護欲除不善行修諸善行告衆生  
曰一切皆苦莫受彼塵垢猒患生死衆生清  
淨使得希望欲除彼幻惑若彼坐禪時一切  
魔衆皆趣彼所種種車乘騾驢駱駝象馬犍

牛禽獸師子狗猪羊或作馬頭種種形狀帶  
刀張弓執箭或捶鍾鳴鼓盡作魔衆形欲來  
害三佛

是時世尊以指案地此地大山林城郭泉源  
浴池種種泉源皆有珍寶滿彼浴池或盛金  
鉢中有力人扣彼鉢便有聲出手撫法輪極

妙無比於是拜首

佛便說此偈

第一清淨業

轉無上法輪

如來手微然

極妙無有上

彼手應撫輪

法輪處在一

不見彼任處

不見有誠者

若轉法輪時

隨彼衆生義

以轉此法輪

衆生得安隱

今時世尊有如是身極方正無缺漏禁戒成  
就如師子臆功德纏絡上下相稱如優鉢華  
色亦不壞敗甚深行時右旋不高不下極軟  
微妙皮毛皆右旋倍微妙無比猶瞻蔔迦極  
香亦不少亦不老無有不與彼相應不與瞋  
恚相應諸根具足世未曾有漸牢固極微妙  
不緩不急金剛之體善分別衆生其有見者  
皆發歡喜心觀無厭足圓光七尺猶安明山  
在大衆中猶若象王於象衆中最爲第一猶  
那羅延王一切無能害者於是便說此偈  
於百劫造行 得爲人中上 今得此色身  
今亦無與等 已滅婬怒癡 諸惡永已息

是故今稽首

使我後亦介

設起姪怒癡

尋時能使滅

今觀佛顏色

身無眾惱患

介時世尊有是臍髀上下俱等善生微妙無

比無不平處使人歡喜與身相應於是便說

此偈

臍髀清淨妙

第一無有比

其有覩見者

無有諸瑕穢

微妙生軟毛

善住如金色

更不受餘趣

觀此最妙色

介時世尊有此踔膈如是生圓漸漸臍細色

與身相稱如鹿踔膈善光清淨無與等者

於是便說此偈

如來踔微妙

色亦無有比

當觀一切相

一一難稱量 當覺彼如是 一切世所稱

設當滅度後 是故歸命躄

尔時世尊有如是足行步安詳善住不移亦  
不搖動極微妙細足指長百福相具作如是  
苦行然後得之往詣道場爲世人故欲度脫  
之其有聞音者猶彼龍王善眠不移動於彼  
三耶三佛所行功德功德百千倍瓔珞微妙  
光影無比從此已來有如是功德故拜首說偈  
愛念不可害 今禮世尊足 亦禮如來頂  
如來解脫衆 其有得此信 於彼最勝前  
白分極細滑 是故歸命尊

尔時世尊有如是輻輪極圓亦無雜穢亦無麤

獷甚深有千輻輪其響柔和身具足滿諸根  
不缺造大行業以四方事轉輪相一境界具足  
二無怯弱心 三猶如阿須倫以手障月而無  
有光 四設放輪便有大光猶如春時無有塵  
垢虛空之中亦無雲塵

尔時於夜半無有結使 病月放大光此亦如

是轉輪聖王本無如來之相於是便說此偈  
人生壽百年 常滅其時節 有是聖輪相

猶彼蓮華敷 亦如安明山 第一無有比

種福之所致 如來所修行 於彼釋宮殿

來告今已至 諸天所嗟歎 如來應轉輪

若能覺知此 觀彼少處所 各各有一心

無有能過佛 志性甚牢固 放光悉徹照

日輪所照處 普度衆生類

尔時世尊作如是遊步先舉右足蹈地不遲  
不疾行步平正亦不卒暴猶彼象王而無有  
異行步堅固世尊身不搖動猶那羅延天  
是時世尊諸有高者爲下下者爲高諸有小

戶自然廣大如來身體未曾屈伸皆是前世  
無憍慢心諸有樂器不鼓自鳴諸有蠕動之  
類皆獲安隱皆是前世修行慈心於是便說  
此偈

彼有大神妙 無畏有此德 任處受善色

破壞剛強者 彼已捨憍慢 最覺自所覺



無愛欲微妙

任處受行報

僧伽羅刹所集佛行經卷第二

樓

澌坑

上七

反

木柵

下又

反

奮迅

上私

反

問

反

跣立

上直

里

犁牛

上交

莫厭鬼

上檢

反

錠光

上字

反

燈

雲暄

下計

反

漑灌

上愛

反

煒燁

上鬼

反

跛

反

瘦

睫

音接

垂睡

下果

反

瘡癩

下盤

音

瞻蔔

上之

反

扣

反

苦

候

臍髀

上容

反

米下

反

踣

腸

上時

反

軟

反

蠕動

上軟

音

